

Domino Malatesta Bajon	600
Domino Zuan di Saxadelo	600
	—
	1200

A Brexa.

Antonio di Castelo	300
Jacomín di Valtrompia	300
Antonazo da Perosa	100
	—
Summa	700

A Axola.

Antonio di Pietra Santa	100
-----------------------------------	-----

A Crema.

Cristofal Albanese	100
Borgese dal Borgo	100
	—
Summa	200

A Padoa.

Zuan di Como	200
Babon di Naldo	300
	—
Summa	500

Item.

Batistin Corso	200
Forza Maraschoto	200
Jacomo da Final	200
	—
Summa	600

81*

Balestrieri a cavallo.

Magnifico cavalier di la Volpe, governador in Friul, compagnia vecchia e nova	100
Troylo Signorelo	80
Baldisera Scipion	80
Zuan di Naldo	80
Farfarelo di Ravena	80
Zorzi Busichio, compagnia vecchia e nova	46
Pietro Parisoto, compagnia vecchia e nova	25

Dil mese di Agosto 1521.

82

A dì primo. Introno a la bancha di sora tre Consieri di là da canal: sier Piero Capelo, sier Nicolò Coppo et sier Francesco Bragadin, e quelli erano di sora veneno da basso; e tre Cai di XL, sier Bernardin Venier, sier Vincenzo Salamon qu. sier Vido e sier Gabriel Barbo qu. sier Pantalon; e li Cai nuovi nè più stati dil Consejo di X è, sier Zuan di Prioli, sier Polo Trivixan et sier Piero Trun.

Veneno in Colegio 12 oratori padoani a congratularsi di la creation dil Serenissimo Principe, li nomi di qual scriverò di sotto. Et per domino Paulo da Brozuolo dotor fu fato l'oratione vulgar, laudata da ognuno. Il Principe li ringratiae, usandoli grate parole.

Et poi introno li Cai di X, et stetenò longamente.

Vene l'orator di Ferara, qual domandò poter mandar letere al suo signor a Milan per le poste nostre è a Verona; et cussì li fo concesso, et scritto a Verona di questo.

Li nomi di oratori padoani sono questi, quali veneno benissimo in ordene, prima di cittadini zerca 40 avanti zoveni vestiti di seda, poi loro 4 cavalieri, 4 dotori et 4 cittadini, parte vestidi d'oro, li altri di seda, di quali el Doxe 6 di loro fe' cavalieri; quali 6 harano la † davanti, ch'è segno di la militia ricevuta etc.

Domino Jacomo Zabarela dotor et cavalier.

Domino Jacomo da Relogio cavalier.

Domino Antonio Cao di Vacha cavalier.

Domino Gasparo di Obiei cavalier.

† Domino Antonio Porzelin dotor.

Domino Lodovico da Lion dotor.

† Domino Paulo da Brozuolo dotor.

† Domino Antonio Beldomando di Candi dotor.

Lodovico Barison.

† Nicolò Doto.

† Hironimo Zaeho.

† Francesco Papafava.

Da poi disnar, fo Pregadi per expedir la materia 82* secretissima, et fo leto solo una letera, la qual è questa prima:

Di sier Agustin da Mula provedador di l'armada, data a Cerigo, a dì 25 Zugno. Come, intendendo da Costantinopoli el Signor turcho non far armada, non li parse mandar le do' galie in Cipro per esser fuora il capitano Moro con 4 galie e 4 fu-